

EW NOMOPUNG

A AWORA UKUKUN RUWE NGOROU CHANA (\$20,000) REN FAN ASENGESIN EKKWE MWIICHEN FEFIN NON CHUUK.

EPWE PUNG ME REN EWE TRUK DISTRICT LEGISLATURE PWE:

Tetten 1. Kaworen Moni. Iei a wor ukukun ruwe ngorou chana (\$20,000) seni ewe Monienapen Legislature ren fan asengesin ekkewe mwiichen fefin ren pekin moni non Chuuk. Ei moni epwe tou ngeni ekkewe mwiichen fefin mei watte ar aninis ngeni fefeitau pekin moni me tufichin manawen aramas non Chuuk.

Tetten 2. Tumunun Moni. Ewe Kepina non Chuuk, iei a mumuta ngeni an epwe wisen tumunu ei moni mei kawor. Ewe Kepina epwe pwan awora repotun nounoun me mwokutukutun ei moni ngeni ewe Legislature non ika mwen May 1, 1977.

Tetten 3. Niwinsefanin Moni. Met ukukun nussun ei moni mei kawor esemwo it ne nounou ika nussuno tori non September 30, 1977, epwe niwinsefaniti ewe Monienapen Legislature.

Tetten 4. Poputan Pochokunan. Ei Nomopung epwe poputa pochokunan fansoun chok an a kapungunno me ren ewe Kepina non Chuuk, ika fansoun chok an a pusin winiti annuk inamwo ika ewe Kepina esemwo chiwen apunganno.

Sain seni: Koichi Sana  
Koichi Sana, Speaker  
Truk District Legislature

Annatata: Datasy Albert  
Datasy Albert  
Legislative Clerk/Secretary  
Truk District Legislature

Pwinin maram: 7/24/76

A kapungunno seni: Mitaro S. Danis  
Mitaro S. Danis  
District Administrator, Truk

Pwinin maram: 8/12/76